

DECEMBER 2019

VOLUME 1 | NO. 02



SIAMSIN

# JOURNAL

a paite students' monthly



## EDITORIAL BOARD

## CONTENTS

Editor  
**Gin Lalsiam Munsong**

Joint Editor  
**Nengzalian Tonsing**

Production  
& Circulation  
**Chinzabiak**

Design & Setting  
By the Editor

---

**Thusuah Ding  
Piakna**

Editor  
SIAMSIN JOURNAL  
SSPP Complex  
Siloam Veng  
Bungmual, Lamka  
Churachandpur  
Manipur, PIN 795006

Mob:  
7627919517

Email:  
ssppghq@gmail.com

THUSUAHTU IN AMAH  
THUSUAH A MOHPAW DING

**LAKMAN**  
Bukhat ₹30.00  
Kumkhat ₹350.00  
Dak ah ₹400.00

EDITORIAL	01
SIAMSINNA LEH TU DINMUN	02
SSPP RESIDENTIAL SCHOOL POIMOHNA	03
LAI GELHDAN TANGPI	06
U DAIPU LEH TONGPELENG	07
I COULD HEAR HIS FOOTSTEPS	09
SIAMSIN AWARDS NGETNA PIAKTHEIH	10
REPORTS:	
FOUNDATION TRUST MEETING	11
RESIDENTIAL SCHOOL ACTIVITIES	12
SIAMSIN JOURNAL HONGKHIA	13
JHQ SHILLONG KITHUAHKHAWM	14
13TH TAMCHON TROPHY: SSPP FC 2NA IN PANG	16
60TH ANNUAL CONFERENCE-CUM- AWARD DISTRIBUTION	17
JHQ LAMKA PRESIDENT IN CHARGE LA	19
BLOCK MEET CUM PRESIDENTIAL ELECTION NEIH IN OM	20
CAREER GUIDANCE PROGRAM	20
CDS INFOTECH AH EXAM THEIHTA	22
CURRENT AFFAIRS(MCQ)	22

*Editorial.....*

## Na Haichi Tuh Leh

# Na Tuhna Mun Entel In Zuun In!

*Siamsin Chibai!*

Loubawl miten Lou (field) a kineih ding chiang in gam hoihna mun, lei hoihna mun kitel zel hi. Gamhoih leh leihoihna mun a kineih khak chiang in buh tin khat mun ah azah 100 bang piangzou mahleh, kaangsia lak khawng a kineih chiang in, haichi pou sam mahleh a nung chiang in piching zoulou in tin 20-30 khawng chauh piangzou hi. Tuabang hun chiang in panlakdan kibang hinapi thathot huai mahmah suak hi.

Loubawlte a toh kibangkei mahleh kuapeuh in haichi I tuh chiat hi. Ei siamsinte'n lou neihna mun leh haichi tuhna mun tuamdeuh I nei hi. Khenkhatte'n lei hoihna mun ah tuh ua, a hoihlohna mun a tuh pawl leng ki-om kha ding hi. I haichi tuh hoih mahmah napi, a puahlou-zuunlou khawng I hih khak ding lauhuai hi. Gamsa in hong neek beisak hiam, ahikheileh vasate'n hong neksak zaw? Tua bang siamsin i omkhakleh ki-etthakna hun in zang leng chih I deihi. I niteng nasepna, sum zatna leh hun zatdante tengteng in i haichi tuhdan leh i puahdan hon lak hi. Dotna kidong leng: Tua i buaipih, I hun zatnate ah gahhoih gah ding in i kilam-en ngam hia? thapaihna tak ahimah uh hiam? Bang thaman sang ding in i kimu a? Ling (thorn) leh nisa in hon buaisak kha hia? Siamsin tampite' a ding in khamtheih-guihtheih tuamtuamte leh nungak tangvalnate a ling lianpen uh hithei hi. Nang leh kei' a ding in i ling bang ahia? Bang hiam i gamsa uh, tua I buh leh haichi hong nekbeisak zelte?

Laisim kichi i simlaitak in haksa kisa chiat in nungak heel a vak hiauhiau khawng; room sung a lungzuang tak a tut sang in, lawmte toh kithuah nainai khawng nuam kisa zaw hi. Sum neih deuh chiang a Ki-treat bang... himai hi. Ahi a, uate'n bang thaman hon pe ding hiam chih i kidot gige poimoh hi.

Tua mah bang in, tuni in i haichi tuh, i tuhna mun leh i puahdan ki-enchian thak chiat ding in i kichial hi— a zekai luatma in!

# Siamsinna Leh Tu Dinmun

~*Manthianmuan, SSPP Rayburn Hr. Sec. Branch*

Leitung a i hong piangkhiak a kipan in mihing te'n i nute apan in siamsinna kipan ngal hi. Siamsinna pen innsung a pan in kipan masa hi. Innsung a i zil leh theih khempeuh zong siamsinna a dia bul kipatna hipah hi. Thil i theihlough leh thil bang hiam theihbeh diing asinna pen siamsinna ahi hi.

Mihingte pen siamsinna omkeileh nidanglai a i pu-leh-pate'n hinkhua ana zatte uh mah tu hun in kizangtou diing hi. Khanlohna bangmah om lough diing ban ah i i tawndan hi in thil bang peuh hita leh kikhek lamdangna omkei diing a, hinkhua mawltak ina zang lai diing uh hi. Himahleh, khanlohnate hong om in itawndan luite uh bang zui nawnlou in hinkhua thakte bang i hon zat Chiang un, siamsinna diing skulte bang hong om thei in neulai apan in siamsinna mah kipan hi.

Khovel ah mihingte siamna sang toutou in thillam tang pipi zong hong omta hi. Hiaite siamsinna omkeileh om lou diing hi. Siamsinna ziak in meel muh lough tong san tulai pau a mobile phone i chih uh bang bawlkhiak in om kei diing hi. Tu dinmun a diing in mobil phone a zang siamte a diing in a siamsinna uh panpih mahmah hi. Himahleh, a zang siamloute a diing in bel a hun uh lak mang sak tu suak thei leuleu zel hi. Thil i neih khempeuhte zatsiam kiphamah mahmah hi.

I siamsinna uh nidang toh teh diing in tu dinmun a i siamsinna uh hoih lo vaklou hi. Tu dinmun in bel technology lam ah khantouhna lian mahmah hinapi in skul naupangte laisimna lam amau zatsiamlough ziak zong ahi ngei diing a, sesak zou mahmah hi. Tu dinmun et in eimite bang IAS chih leh a dang tampite ah muh leh lohching a theih om nawnlou hi. Ei mite'n i siamsinna loute pibawl zawta. I tu dinmun uh et in skul kailai naupangte'n pan ilak thak uh kul mahmah hi.

A tung a igen i siamsinna uh tu dinmun et in hoih lo vak lou ichi hi. Himahleh, a hoihna zong tapi om veve hi. Mihingte i lunglutna chiat bang zui thei dia i om pen hoih leuleu hi. Lai kia sim pen zong maban a lohchinna thupi tak ngah diing chihna hi tuan sese lou hi. Pilna leh siamna i ngah theih na diing inle siam mah kisin hi. Mi nuai a i om lough na diing in zong siamsinna mah poimoh hi.

*(Winner of Essay Competition on  
Siamsinna leh Tu Dinmun)*

# SSPP Residential School Poimohna

~Kattie Mawite, Warden, SSPP Residential Hostel

Siamsinpawlpi Residential School a kai naupangte kiang ah, "Nang bang school a kai e?" Chi in dong lechin, a tamzaw in "SSPP ah" chi in hon dawng ding uhi. SSPP chi a i theih, Siamsinpawlpi Residential School kichi Ngathal a om, Kanaan Veng toh gamgi zul chet a om ahi a, mun poimoh leh lun mahmah Ngathal Field toh kizom geih in om hi.

I school hong kipatdan a theilou om din a gintak huai kei. Nikum 2018 in school in kum 20 mel a na muta hi. Hiaitan a tunna ding a ainah phah a ana pang heutute leh a etkaina na ana semtou heutute banah school a ginom tak leh phatuamngai a a ana sem ngitngat sinsaktute zahna sangtak ka pia hi. Huai tengteng tung ah, hiaitan mel a muhtheihna ding a i ma hon kaihsak Pa Pathian kiang ah leng kipathu genseng louh i ba uhi. Banah i nam a ding a khuam pimohtak hon suaksak, sum leh pai a hon panpihtu i phualpi solkar tung ah kipathu genseng ding hilou hi.

I school i gen chiang in school dang toh tehkak theih hilou a, tehkak mawk ding leng hilou hi. Ei school sanga hoihzaw i district sung et in leng a sawm a sim om tham ding hi. A hoihlou zaw leng a om ding. Himahleh hiaite'n ei school poimohna khendai thei tuanlou ding a, khendai zou ngeilou ding hi.

I school uh a poimohna leh bangchituk a manpha hi hiam chihthe saulou in ensuk leng uthuai hi.

1. NAUPANGTE A DING IN: "Ka invengte un hon en unchin, 'hiaite le school changkang deuh a kai di i sak leh SSPP a kai ana hi maimah' a hon chi uh" chi in naupangte lak a numei khat in ka kiang ah hon gen ngei hi. "SSPP school omna le ka na theikha ngei mahmah kei. Tukum a ka theihpat ahi" chi in school a pan gamla lou a teng nupi khat in ka kiang ah hon genkha ngei hi. Mi'n a utut uh gen ta ve uh. A poikei. I naupangte a dia bangchituk a hiai school manpha hi hiam chih ka ngaihtuah chiang in mi hon genna sang in ka kipahna a lianzaw tham zel hi. School kia gentaklough, hostel om lai a, huai ah bangkim a thawn in kipe zomah hi. Buh leh meh leng mi a nuai a hi hetkei. Tuinek a siangthou a, dailenna kichuptak leh building hoihtak, huang kingching tak om zomah hi. Hiaibang a school

manpha, naupangte'n a thawn liuliau a ziltheihna a neih pen uh kipahlouh vual a hikei a, heutute leh muhtheih leh muhtheihlouh a school a ding a pan ana late a dia hiaibang a naupangte' hamphatna muh tuh kipahlouhna vual a hikei hi.

Kisinsakna lam ah en ta le, sin-saktute mi nuai a a hituankei uhi. Kumteng a HSLC result et in khopi sung a school omte lak ah a niamtu-am hetkei a, tukum diakdiak in damlou khat chihlouh za a za in lohchin-na hon ngah uhi.

School a pan a pawl 10 ana zoukhia, mundang a sunzom a result hoih pipi, district a theihtham ding mi bang ana sekkhia school nei i hi ua, hamphathuai mahmah hi. Hiai in mite muhna khel a school hoih leh kinep-na tak ahi chih genchian hi.

School counsellor leng om ahihman in khalam salam a ding in lamhilhtu leh naupangte haksatnate damtak a kikuppih a, malam sawn zel dinga hanthawntu leh khalam tanpha a pitu nei ahihman un sintute hampha sawnsawn lai uhi.

2. NU LEH PATE A DING IN: "SSPP R/S omkei leh tua ka tunna tan ka tung kei ding a, Lamka ah leng ka omkei ding. Ka khua ua om in na ka sem ding. Ka nu leh pa'n lah school

dang ah a hon kaisak zoukei ding ua...", "SSPP R/S omkei leh ka laisim ka sunzom thei nawnkei ding. Ka in uh a gamla a, hostel a na om zawkmah ziak in hostel ah ka omthei a, hampha ka kisa a ka kipak petmah", "Hiai school kei a ding in a poimoh lua. Hiai ah kai thei kei leng lai ka sim nawnkei ding, ka khosak uh a haksa mahmah ngal a", "Kha teng a fee pia a school kai di kichi kou bangbang a mizawngte a ding in a haksa mahmah. Huaiziak in hiai school kei a ding in a poimoh petmah", "SSPP R/S kei leh ka inkuante a ding in a poimoh petmah. Khosak ka haksa ua, unau ka tam zawkmah ziak un private school khawng ah ka kaizou kei ding uh. Hiai a siam ka sin theih ka hampha lua uh".

Hiai a tunga te naupangte apan ahi a, dik ding in gintakhuai hi. Nu leh pate a hong hoh sek ua, a tate uh bangchi bang a om hi uhiam chih khawng a hong enkhe zeuhzeuh zel uhi. Zou-dawn gamla pipi a pan khawng a hong zin sek ua, na hahsep luat ziak ua taksa gina le nei zoulou, gawng dingdiang leh dup dilhdelh khawng a hong pai sek uhi. Amaute i nuaisiah chihna a hikei. Himahleh hichibang a i mi i sate haksatna panpih ding a hichi bang a school hoih, a thawn a laizil theihna i neih hamphathuai in manpha petmah a, i school hong omtheihna dia panla heutute a ding in

lungsim tawng ah kipahna lian mah-mah ding in gintakhuai hi.

Khatvei pa khat ka kiang ah kumtawp lam in a hong pai a, sum bangzah-hiam a hon tawi hi. "Mawi, ka naute admission a hun nawn chiang in nang honna bawlsak mai in aw. Hiai ah sum enrollment fee ding ka hon tawi a, a poimoh dandan in a na zang in. Kholam a nasep ding tamlua a, tu khawng a i hai chinte a khop hun, zuak theihtheih i zuak hun ahiehchiang a. Summuhna lah haksa a, kisu-anglah zoulou mai ka hi" a hon chi in. A naute a vek un mi 4 a pha ua, khat in pawl 10 zouta a, lai siamthei mah-mah vek uhi. Hichibang khawng ka muh chiang in "hikhial kei hang e" ka lungsim in ka chi a, kipaktak in ka saisak hi.

Naupangte khatkhat in, a malmal in en lehng a tam zawtham, za a

sawmgiat ding khawng nu chauh hiam, pa chauh hiam toh khosa, ahieh-kei leh inkuan tuailuai leh buai ning-neng khawng apan a hi uhi. Huchiloute lah zoudawn lam apan, omna ding gina neilou khawng a hi uhi. Inkuan kisiat ziak a naupang kothoi nailou, mahni kikhual thei nailoute siat leh vakdalh ding veng a, naupang tampite a dia khovel vak puaktu leh siamsinna lam a ana lamkaihtu in SSPP R/S pangkha hi.

Nu leh pa mawl milmel, summuhna gina leng neilou, muhtawm netawm phialphialte khawng lou ngal in a tate uh hon kaisak mawk lou uhi. Hiai in i dinmun hon niamsak a hikei a, tasamte a dia panpihtu diktak, a poimohte mah panpih kha i hihman un hihdik na i hi. I hihding mah hihkha i hi uh ka chi a, kisaktheihhuai ka sa mahmah hi. (*Sutzop ding...*)



**SIAMSINPAWLPI (Paite Students Association) College Section 1960, Imphal**

**Back Row:-** Tualkhanpau, Enjete, N. Gouzagin, Hangzou Thuamson, T Tualzathang, V. Khotintawn, Langkhogin; **Middle Row:-** Khamchin, I.A. Jr., T Gwite, I.A. Sr., T.Vumzalang, I.A. Sr., T. Lian Kho-hau, B.A. Jr., T.Vung Dothang, I.A. Sr., L. Chinthang, Lianzago Hatzaw, I.A. Sr.; **Front Row:-** V.Dongzathang, B.A. Sr., T.Tutzachin Simte, I.A. Sr., T.Goukhenpau, B.A. Sr., T. Jamkhothang, B.A., B.D., Hau J. Shyam, B.A. Jr., Robert K. Gwite I.A. Sr., T. Jamkhogin, I.A. Sr.

# Lai Gelhdan Tangpi

*Dr. Tualchin Neihisial ©PLS, Chapellane, Hiangtam Lamka*

Lai gelhdan a l buaina uh leh l siam theih louh uh tamzawte pen laimal gawmdan, khenzaakdan leh paipi khat nei a l gelh louh ziak uh ahipen hi. At-amzaw kibang mahleh l ngatsakna lam uh akikhat poimoh sawnsawn hi. Hiai toh kisai in mi malmalte, saptuam pawl tuamtuamte, ZCLS-te baan ah PLSte mahmah in 1982 kum a kipan in PNC HQ [tu a PTC HQ], SSPP HQ, leh YPA HQ toh pangkhawm in laigelhdan kician nei theihna diing in pan l na la uhi. 1984 kum a kipan in pitu diing laibu [guide book] khat **“Zoulai Gelhdan Bu”** kici bawlkhia in, siamsinna innte ah sinlai naupangte tawisak in tuni tan in kal l suantou zel hi. Akhangtou zel l hi ua, a phaaktawp tan bel l tung dek nai kei ua, paina diing lampi sauzaw tham l nei lai uh hi. Laimal kibang napi gawm-khial, khenkhialkha lehng, thu tuampi kaww thei hi.

Etsakna (Etn):  
 ANAUHONGPIAHI  
 A nau hong pia hi  
 A nau hong pi ahi  
 A na uh ong pia hi  
 An a u hong pia hi

AW, O leh OU zatdan diing:  
 A-un, aniam leh asaugin peuhmah ah  
**AW.**

**Etn:** Dawn, dawng, sawt, zawng.  
 Siiklawng sung ah vuahtui/guahtui luut hi.

Alaigin leh tomgin peuhmah ah **O.**  
**Etn:** Dom, dong, sot, zong.  
 La tom khat a sa hi.  
 l kizonna'ng haksak diing ahihman in  
 hong zawn ning.  
 Gampa lak ah bawnglong ging kiza hi.

Atom leh sanggin peuhmah ah **OU.**  
**Etn:** Gou, lou, sou, tou, zou.  
 Lou khou zou lou hi.  
 Toukhom tung ah tu in.

[Dr. Eugenie J.A. Henderson in, *Tid-dim Chin: A Descriptive Analysis of Two Tests* (1965) agelhna sung ah to fight cihna ah **do [dou]**, to kill, to slaughter cihna ah **go [gou]**, we [exclusive] ah **ko [kou]**, to cultivate cihna ah **kho [khou]**, to wed out cihna ah **khokhia [khoukhia/khouxia]**, field cihna ah **lo [lou]**, grass cihna ah **lopa [loupa]**, to grow by itself cihna ah **po [pou]**, to dry cihna ah **pho [phou]**, building cihna ah **to [tou]**, to spring up, rise up cihna ah **tho [thou]**, small flies cihna ah **thou-vai [thou-va:i]**, to be able to; to finish, complete satisfactorily cihna ah **zo [zou]** ci in zang hi. Phonetic sound toh kituak laigelhdan zuikha l hihman un l hampaha mahmah uh hi.

1967-1968 sung in PLS in laimal **“O”** toh kisai in Commission mi thum – Pu



Rev. H. Nengzachin, Pu T.C. Thi-ankim, IAS leh Pu Thangzamang Gwite, IPS a sepkhia uh hi. Hiai mi thumte'n "O" pen **Aw** bang a tomging diing, **Topa** ci a gelh nawn louh a, **Toupa** ci a gelhtaak diing cih PLS khawmpi a hon luikhiak uh, PLS member tamzawte' thupuukna bang a zatpaisuak in hong om hi. Tua ziak in, **Khristian Thukizakna, Laisi-angthou** (1971) tel in Paite labu leh laibu peuhmah ah "o" pen "ou" bang a ging nawn lou in hong kizang hi. *Jesu'n a dong [Jesus asked]* cih leh *Jesu'n a dawng [Jesus answered]* cih nuamtak in hong

kikhenkaak theita hi.

Laimal "O" I cih pen Greek' laimal ah "OMICRON" [O] a cih uh toh kibang hi a, AW saugin pen Greek laimal a "OMEGA" [w] acih uh toh kibang ahi hi. Mikang lai leh pau ah "a", "f", "o" leh "u" vowel acihte uh pen laimal khat hinapi vowel nih gindan a ging "diphthong" cihte uh himahleh Paite' lai leh pau gelhna ah bel "diphthong" awgin in ging thei lou hi. **A** pen **AU**, **E** pen **EU**, **I** pen **IU**, **O** pen **OU** ciin kigingsak thei lou hi.

(sutzop ding...)

## U Daipu leh Tongpeleng

*K. Vungzalian*

\*U Daipu= Khoikhandai @ K.K. Daia; \*Tongpeleng=Guitar

\*Zogam = Chin Hills, Mizo (Lushai Hills, Manipur Southern Hill, etc)

Hiai gam a singtangmi ten Music lam chihtham ana nei ngei khawllou uh ahih tuak. Khuang ahih leh a na neihna uh asawt mahmah ahih tuak hi. Adang Dakbu, Sialki, Tuithei uum khawng tum leh tat in a na vualnuam sek uhi. Kei theihtan in leng khaw khenkhat a Gawsem nei bang leng a om bawk uhi. Vual nop nil eh Lamvui, Lamsai, etc. khawng ah hiai tem ah tawh lam leh sai in ana kai uhi. Hitamah leh adang music om tuanlou ahihman in nuam ana sa tei mahmah thou uhi.

Tulai a Guitar chu Lushei gam (Lushai Hill) lam ten 1940 vel in hon pawsuah uh ahih tuak a, 1950 khawng in Mizo la HMV Company khawng ah ana Record ta uhi. Lushai

Hill lamte ana masa (advance) deuh ahi di uh.

Eilam ah 1950 nungram apat tangval ngalhat zinmi ten vathei kha in, Vong

sing khawng sui in ana kipan tei sam ua, Lusei pau in **“Perhkhuang”** **“Tringtrang”** chi in ana phuak pah uhi. Ei lam ah tunitan in English te chih dan “Guitar” I chi lailai hi. Huai lai a Vong sing a kibawl te chu agui (string) leng sikkhau amuh muh uh gui 3 khawng vuah in Machin Head awm lou – vutvang tawm in agui a hek gak tawm ua, sai lak laklawh lai bang in hong tolkhawl vettak kha zel in kei leng tangval te sawm giahna ah naupang tei pawl hi in ka va giak tei sam hi (1952/53). Guitar string 3 lel neuchik a bawltawm uh Hawaii style in saidawi um ta in a zut ging sek uhi. Tangvalte om louh kal in ka na khoih saktei zel a, ka lunglut viau ahi di ka siam theitei khopmai. Spanish style ahiehleh abii(key) omlou ahiehman in 1957 tan in khosung ah a tungging lam uh ka zakha kei. Hiai dan a vual eng tak a aki omlai in ka theihkkelh kei leh U Daipu India Sepaih hong suti a (1957) Spanish Guitar Company suak hon paw zenzen a, ka theih phet in a en ding in Lamkanuai ah (huai hun lai in Pu Phungkothang Veng=Upper Lamka/Lamkatung, Pu Zenghang Veng=Lamkanuai) U Daipu vanpuak en din ka va vak suk uhi. Tangval pitou ‘Pa’ va chih di lah hilou deuh a ka theihman un *“U Daipu, na tingtang ka mu nuam uh”* ka va chih uleh; aman leng kithalawp tak in hon dawkkhe pah a, Company suak a

rong vom mam hithet Machin Head bang kithuah a gui (string) 6 tak te sitset zozen hon lakhe mai chu..... nalh, hoih, thupi sa in ka nak huai zawzen uhi. Khut toh vakhoih in a nal hiiuhiau zomah a; thupi, kilawm leh nalh top himai. A suahngal deuh ka hihman in ken *“I Daipu bangzah khawng aman zou a?”* ka chih leh *“Eee...Rs. 200/- val deuh ahi”* achi a, man tam ka sa un thupi kasak dan uchu .....! I Daipu ka ngaisang lawtel uhi.

Huilai hun in Paite pau in tulai la om khollou adiam theilou zaw ka hi di uam, lasak di kholai ah omlou a – Lushei gam lamten ahiehleh La Lenglawng (Love Song) khawng ana phuak tam simta un Guitar toh sak chi a awm deuh a kou leng ka theih sunsun uh Lusei la khawng ka sa tei mai ua, vual en ana khopmai. Lusei la Lunglei leh Aizawl lam suak a tam pen in a tangzai khopmai.

Huai lai song in a kum ka thei geih kei a, U Daipu’n Guitar Lahon phuak khe dom a, KA TONGPELENG hon chita mai hi.

*Zan khuadai sumtual muikhua zong nuai ah;*

*Sai chim lang luansiam ka TONGPELENG,*

*Ging dimdim lungzuan thel bang thousand*

*Zan khawsawt maimit sing mawng e.*

Paite pau in Guitier min ‘Tongpeleng’ hon phuakkhe dop mai chu thupi leh kizen taka hi. Kou lawi leng hoih leh dik sa in khavak hoihlai October/ November lak in phavang meikai hong theng pan van a hong siang mahmah ta hi. U Daipu Tongpeleng khawng ka genkhawm sek ua; van ah si-al leh khapi vak chihntak in hong vak a ka dak sek ua, ka lawmten,

“Vungzalian nang leng laa hon phuah tei ve...” hon chi nilouh uhi (1961/62). Mawk chi in

**“Sawlkhapi thangvan hong tang; Lungzuang ka tongpeleng tawh, Nunlui mualliamsa galdon in Maizen!! Chin zaila awi veng”**

Ka chi khe mawk hi.

*(sutzop ding...)*

## I COULD HEAR HIS FOOTSTEPS

*Ding Khuotong*

This incident happened in my second year of college. It was an afternoon class of additional English (which was incidentally my least favourite subject). I was feeling very sleepy. Sitting at the back row of the class, I really had no intension of attending the class. Our professor whom we called “FOOTY” was calling the roll before starting the class. After my name was called out, I decided to do the impossible run out of the class.

The door was at the back of the room (just behind the bench I was sitting), so I decided to give it a try. So, while “FOOTY” was calling out the remaining names, I did it- ran out through the door. However, as luck would have it, he happen to see me. So, did the whole class. All he could say was, “hey you!”.

Since I was already out of the class, I decided I would not stop. So, I start running, looking back i saw “FOOTY” running behind me in the

corridor. I was in terrible dilemma. I did not know what to do – whether to stop or to keep going. Finally, an idea dawned on me- as I neared the toilet, I went into it and started coughing out loudly in one of the cubicles. ‘FOOTY’ was not one to stop – he followed me right up to where I was and demanded an explanation. I had never seen him before with so red and angry face!

I pretend that to be feeling very sick and wanting to throw up. I tried to tell

him that since i had felt very sick, I had run outside since I did not want to vomit inside the classroom.

“FOOTY” would have none of it. He was so angry that, I thought he would almost hit me. I was sure he had realised that I was trying to play a trick on him. He demanded that I go with him immediately to the Principal. He also ensured me, he would get me expelled from the College. My plead to him were all met with deaf ears. However, after getting close to the Principal office, ‘FOOTY’ suddenly gave me a wry smile and told me he would let me off in one condition- that I would never do this again. He told

me it was okay to play pranks once in a while but not to such an extent. I was extremely surprised to see the way he handle the entire situation.

The no-nonsense man did have a humane side to his character. I was extremely ashamed of what I had done and said ‘sorry’ to him several times. I meant every word I said! He patted my back and said that it was okay, and that he had forgiven me. Moreso, after this incident my respect for ‘FOOTY’ grew manifold. I become very attentive in his class- in fact I would make it a point to sit in the front bench during his lectures. □

## SIAMSIN AWARDS 2020

NOTIFICATION  
November 27, 2019

No. 18 SSPP GHQ/EDN/DEPT-II/2019: Siamsinpawlpi General Headquarters in Foundation Day a 73veina nisim January 13, 2020 (Monday) ni zatna hun a piakxhiak theih ding in Siamsin Awards – 2020 (i.e. Donors Awards; Meritorious Awards & Honours Awards)te hawmkhiak kisawm hi. Hiai Awards sangthei ding a chitna nei SSPP mi leh sa kuapeuh in Application Form leh Biodata form omsate la in kingetna December 20, 2019 nitaklam dak 3:00PM tan in SSPP Complex, Siloam Veng, Bungmual ah piak lut theih ding hi.

Athu Chiangzaw SSPP GHQ Office Bungmual ah leh anuai a min kipia kian-gah a kanchet theih ding hi.

Sd/-  
Secretary, Education Department  
Contact No. 9089724642

*Reports:*

## SSPP Foundation Trust Meeting

A paisa nisim November 10, 2019 in SSPP Foundation Trust a Boad of Governor (BoG) in Meeting poimoh-tak, SSPP Complex Bungmual ah nei uhi.



Hiai hun ah Siamsinte khualna in Pu G.Vungkhum in Trust fund ding in Rs. 1, 00,000/- (*Rupees one lakh only*) hon thoh khe dom hi. Foundation Trust min in kipathu I puang a, tamsem pethei ding Pathian in vual-zawl zel leh chih deihsakthu I gen ahi.

Siamsinpawlpi Fondation Trust in sinlai kuahiam Technical line a admission mu, lah sum leh pai haksat ziak a siamsinna sunzom zoulou ding din mun a om te kiang ah sumpung omlou in panpihna/loan kipe zel hi.

Hiai loan pen sepna a muh chiang ua dit ding hi pan tel dan ahi.

SSPP Foundation Trust phungvuh nuam te a ding in Siamsin sponsor category anuai a bang ki bawl hi.

SS-CAT-I: Memorial Sponsor ` 75000/- leh a tung lam.

SS-CAT-II: Diamond Sponsor ` 60,000/-

SS-CAT-III: Gold Sponsor ` 50,000/-

SS - CAT - IV :  
Onyx Sponsor  
30,000/-

SS - CAT - V :  
Ruby Sponsor  
15,000/-

SS - CAT - VI :  
Emerald Sponsor  
10,000/-

SS-CAT-VII:  
Sapphire Spon-

sor 5,000/-

SS-CAT-VIII: Jades Sponsor 3000/-  
(Hiai a tung a te ban ah Rs.3000/- nuai lam Rs.100/- tanpha a le chiklai peuh a pantheih gige a hi.)

Sponsor tu di lunglut tam sem om in thoh siausiau leng i siamsinte haksatna nakpitak a dawn zangkhai in om ding a, tecnicl line ah a tam sem in lohchinna kingah thei ding hi.

Education is the best politics.

# Residential School Activities

**Au-fait 2019:** “au-fait”, an intraschool co-curricular activities competition was held on 27<sup>th</sup> September, 2019 to acknowledge the students capabilities



ties and talents whereby giving a platform to explore their inner gifts. This competition was led by the Programme Making Department under the leadership of Sir Thangliankap, Incharge and assisted by Miss N. Lunkim and Miss Chingliankim. Painting, Craft-making, beat boxing, debate, Bible recitation etc. was conducted. The programme ends with a very positive response from the students and the winners were given prizes and certificates.

**Annual Sports 2019:** The Annual Sports 2019 was conducted for a period of 4 days from the 21<sup>st</sup> Octo-

ber – 25<sup>th</sup> October, 2019 with a theme “**Weak Made Strong**” (2 *Corinthians* 12:9). The declaration of the sports and prayer was done by Pastor K. Vumzathang, Local Pastor, EBCC Kanaan. The students were categorized into 5 main groups i.e. Preparatory, CI-A&B, CI-I&II, Juniors and Seniors. The houses of the Groups – Red, Blue, Green and Yellow compete with one another. Various interesting items like shoe-lace typing, flour race, Candle race, Football, Volley-



ball, Khokho, Kabaddi, Mathematical race, Coin picking, Balloon race, popsickle race, Target shooting, Catapult, Marathon etc. were conducted for outdoor games. And for indoor Debate, Bible-recitation, Monologue, Solo, Advertisement were conducted on the last day of Annual Sports.

**Saksham National Competition 2019:** An Essay and Painting competition on “Oil Conservation towards Healthy and Better Environment” was



conducted on 21<sup>st</sup> October, 2019 organized by “Petroleum Conservation Research Association (PCRS)”. Students were categorized in Junior (CI-V; VI; VII) and Senior (CI-VIII; IX; X) for Painting and one Category (CI-VIII to X) for Essay 13 students and 14 students participate in Painting and Essay respectively.

## Siamsin Journal Honkhiak In Om

Siamsinpawlpi General Headquarters in khateng a suak dia ibawl uh Siamsin Journal (*Paite Students' Monthly Journal*) kichi November 01, 2019 zingkal dak 7 in SSPP Complex, Siloam Veng, Bungmual ah Pu Tualchin Neihzial, President, Paite Literature Society in “**SSPP Journal**” hongkhia a, Rev. L. Khaikhan-song DS, LSD in alatna nei hi.

Pu Nengzalian Tonsing in hunzatna makaih a, Pu Gin Lalsiam Munsong, *Editor SSPP Journal* in pulakna nei a, huntawp ah Pu Thanglalmuan Hauzel, President SSPP GHQ in kiphathu genna hun zang hi.

Pu Gin Lalsiam Munsong, *Editor* in a genna ah, laipau khansakna, kepbitna, siamsinna lam masawanna lampi kawkmuhna career guidance leh nam gou manpha te pulakna banah siamsin sung laigelh siamte thugelh manpha te kepbitna leh midangte'n a



phattuampih theihna ding ua Siamsin Journal patkhiak hi a, SSPP GHQ, JHQ, HQ, Block, Branch leh Unit chih a nasepnate leng suahkhiak zel hi ding chi hi.

Pu Tualchin Neihisial in a genna ah, i nam in laipau manpha taktak i neihte uh phoulak leh kepbitha ding a SSPP GHQ in Siamsin Journal apatkhiak uh kipahpithu gen a, laipau kepbitha tawh kisai in kum tamtak paisa in khateng a suak magazine leh laibu tuamtuum suah in om zel a, huai hun a laibu kisuahthe kepbitha ahihlouh zia- in tuni chiang in laibu copy muh theih ding omlou ahihman in poi petmah chi hi.

Rev. L. Khaikhansong in a genna ah, siamsinna lam masawna dia Siamsin Journal bawlkhiak ahih kipahthu gen a, siamsinte phattuampih theih ding thugelh atamtheilam tuangsak ding in ngen hi.

Pu Thanglalmuan Hauzel, *President SSPP GHQ* in a genna ah Siamsin Journal tungtawn in gamsung leh Siamsinte khantouhna ding thute suahkhiak zel hi ding a, amah leh amah kitoudelh theihna ding tan a etkai hiding hi'n gen hi. I gamsung ah khateng a suak laibu ki nei zel mahleh tuchiang a laibu suak om nawnlou ahihman in Siamsin Journal pen khateng a suaksak zel thei dia mipi'n kithuahpithu ding in ngen hi.

## JHQ Shillong Kithuahkhawmna

Shillong: The 7th Nov(Ningani KAU KHA)2019 in NECTAR Conference Hall ah SSPP Jt Hqtrs Shillong heu- tute panlakna toh,Pu M.Gouzamang Guite MDC New Lamka East,Pu CT Lian Guite MDC New Lamka West leh Pu Golan Suanzamung Naulak NE Regional Dev Consultant & Nation General Secretary(NPP) te leh i Paite Nam sung a officer khenkhat leh siamsin te toh interaction leh dis- cussion na hun sawt kuamtak neih in om hi.

Pu H.Chinkhenthang IAS ( Retired) in hun patna thumna PATHIAN kiang ah hong lankhia masa in,huchi'n in- teract session kipan hi.

Hiai hun ah Pu CT Lian MDC in,inam khan mohbawk uh point 8 lakkhong gen a,thudik hi'n thuzuau hitaleh amun leh agal akipan kilamdanna nei teitei ahihdan practical toh lahkhiatna hong neihpithu a,tua ban ah Enterpre- neurship toh kisai inam sung in apoimoh dan a gen ban ah khopi a om i mi leh sa ten i gam mah a,a tawm a tam thutuam investment bawl ding in chialna bawl hi.

Pu M.Gouzamang Guite MDC in,2016 a Shillong heutu tuamtuum



tetoh interaction aneih lai ua sepsuah ding a gen te lak ah bang teng ki semta a bang teng in samlai hiam chih report a piak ban ah, i khotang vai tamlou tua ban ah UPF sung leng nounel tak a itheihshiam ua ei Paite te ipankhom siam uh poimawh ahihdan leh enterpreneurship and sustainable development toh kisai gen hi. Tua kia hilou in i singtanglou neihdan te uh ahohi zaw lam a bang chi'a khenkhiak theih ding hi hiam chi'n leng thumanpha pipi toh kup behlap na nei hi.

Pu Golan Suanzamung Naulak in Lamka a i tuailai (UNEMPLOYMENT YOUTH) tamtak te'n sepna kichian, i neihlough Chiang un i gam sung ah buaina tampi piangkhiat loh a, tua buaina te pumpelha a i omtheih nading un PRIVATE SECTOR ah EMPLOYMENT OPPORTUNITY tampi i create khiat beh uh poimawh ahih dan taklang kom in, climate change, sustainable development toh kisai technical tak in suut a singtanglou neihna toh kisai a misiamte RESEARCH tungtawn a a muh suah te uh thumanpha tamtak genkhiakna nei hi.

Pu T.Thangkhansuan inleng bank lamtoh kisai a insurance scheme manpha tatak te, inam mipi nautang tantheih ding scheme hoih tatak omte i mi leh i sa lak a promote poimoh asak thu gen hi

Pu H.Chinkhenthang IAS (Retired) in Philanthropic pen organisation unit level ah hoih mahleh, Hqtrs level ah lungtun huailou asak thu tamlou gen a, inam sung a khuam poimawh pawl khenkhat thuvai ah mipi na sang a mimal khenkhat in adeihkaih luat aom nungsang lametna tawm nei mahmah ahihdan gen kom a, tuateng ban ah huai lam kia va focus luat sang inleng ei mah khosakna di leh i mimal tungtawn a sepkiak ziak in, i gam bang chi'n akhangtou thei ding! chih lam ah hasotna uang gen mahmah in apaikhom te motivate mahmah hi.

Pu Kaikhochin in a pension hun a igam ngei a, investment bawl a, TUAILAI/INNKUAN tampi'n ah NASEPNA ding tampi amuhkhiat beh theihnang ua theihtawp suah a na sem ding a hih dan gen kom in. i khuasung ua lampi abawl dibang tak a kibawl louhziak a leivui akhutdan, lampi ibawl Chiang un footpath tengle huamkha thei hileh hong na gensak un chi'n ah vaikhak na thuhohi taktak gen hi.

Pu Langbiaklian in heutute hong kalsuanna uh thupi asak ban ah, Entrepreneurship/recreation park lam aleng inam un tamsem sekkhiak hoih ahihdan ban ah, inamsung chidam louhna awlmohna lianpi nei ahihdan gen a!

Pu Khen Shoute President SSPP Jt Hqtrs Shillong in kipahtu genna leh i discussion uh enterpreneurship and sustainable development poimoh asak dan gen kawm in kithuahkhom-

na lohching ahihdan taklang in.

Pu Langbiaklian in hun khak thumna hong nei in hun hong khakzui ngal hi.

## 13th Tamchon Trophy: SSPP FC 2na In Pang

Apaisa November 9, 2019 nitak dak 7 in Dr. Ambedkar Stadium, New Delhi ah, a 13veina NE Tamchon Football Tournament final kimawlina om a, huai ah IAF te'n SSPP FC te 2-0 a zou in champion hihna la ua SSPP in 2na la hi.



Kum paisa

2018 in hiai team nih tegel mah final ah kimawikha ua, huai hun in SSPP FC in vualzohna na tang ngei ta uhi. Tutung kimawlina ahih leh 1<sup>st</sup> half ah 0-0 in kidraw uh a, 2<sup>nd</sup> half minute 56 in IAF in goal masa khum in, 1-0 in makai uhi. Minutes 90 beinung 90+1 in IAF mah in goal khat khum beh nawn uh a, hun beitan in 2-0 in IAF in vualzohna tang uhi.

### Tamchon Trophy winner leh runners:

- 2007- Winner: Wung United;  
Runner-up: D Mizo Zillai Pawl
- 2008- Winner: Zeliangrong;  
Runner-up: Hmar FC
- 2009- Winner: Wung United;  
Runner-up: Chandel United
- 2010- Winner: D. Mizo Zillai Pawl;  
Runner-up: Hmar FC
- 2011- Winner: Kangleicha SL;

- 2012- Runner-up: Zeliangrong FC;  
Winner: Zeliangrong FC;  
Runner-up: Hmar FC
- 2013- Winner: Hmar FC;  
Runner-up: Kangleicha SL
- 2014- Winner: Hmar FC;  
Runner-up: SSPP FC
- 2015- Winner: Muvanlai FC;  
Runner-up: SSPP FC
- 2016- Winner: Muvanlai FC;  
Runner-up: Hornbill United FC
- 2017- Winner: Hornbill United FC;  
Runner-up: Zeliangrong FC
- 2018- Winner: SSPP FC;  
Runner-up: IAF
- 2019- Winner: IAF;  
Runner-up: SSPP FC

Tuaban ah, Player-te vaitunna leh kipahtu genna (Reception) hunseh SSPP Complex Bungmual ah Nov 11, 5PM in kinei hi.

## JHQ Imphal: 60<sup>th</sup> Annual Confer- ence-cum-Award Dis- tribution

Apaisa November 9, 2019 in Si-amsinpawlpi JHQ Imphal in Indian Medical Association Hall, Lamphel ah 60<sup>th</sup> Annual Conference –cum- Awards Distribution – 2019 hun zang uhi.

Principal Secretary, H&FW GoM; Govt Officer tuamtuum banah State level Miss KUT-2019 Miss Ningmuanching leh Thadou Students' Association (TSA), Imphal te'n hiai hunzatna uap uhi.

Pastor Thangbiakmuang EBCC Lamphel in khawmpi hong a, SSPP JHQ President Pu Chinmalsawm Guite in vaidawnthu gen a, Sports leh Education department apan kipahman tuamtuum hawmkhiak in



Hiai hun a Chief Guest ding a chial a om Manipur Education Minister Pu Th. Radheshyam tel theilou a, Guest of Honour leh Functional President in Pu Ginsuanhau Zou MLA, Chairman MANIREDA leh Pu Vungzagin Valte, MLA, Chairman MTDC pang uhi. SSPP GHQ President Pu Thanglalmuan Hauzel banah, Pu Vumlunmang Vualnam, IAS,

om hi. Siamsinna lam a lohchinna tungtuan ngah mi 23 kiangah Award piak ahih banah, Pi Lunching w/o Vumlunmang Vualnam IAS in Miss KUT-2019 Ningmuanching kiangah pahtawina pia hi.

Hunzat sung in Pu Vungzagin Valte MLA; Pu Vumlunmang Vualnam; Pu Khamsuanthang Naulak Secretary PTC Imphal Block leh Pu Thiauchin-

pau Secretary YPA Imphal Block  
te'n thugenna nei uh a, Lasiam Ms.  
Kim Paite, B. Muan Ngaihte, Mercy  
Chingngaisang leh Lamhoihching  
te'n lasa uhi.

**SSPP JHQ Imphal: Siamsin Award  
2019 sangte:**

**Class I: Koltthianpiak**

s/o Dr. T. Kambiakdik,  
Lamphel 99.13% CBSE,  
UNACO School

**Class II: Remthangnem**

d/o Elson Tonsing, Lam-  
phel 99% CBBSE Kendriya  
Vidyelaya Lamhelpat

**Class III: Mangliansang Guite**

s/o LalJohn Guite, Tribal  
Colony 92.83% Covenant  
English School

**Class IV: Parnunsang**

d/o Chinsuanthang Hang-  
zo, Tribal Colony 99.30%  
Young Learner School

**Class X: Nianghoihlun**

d/o G. Vungkhanthang,  
NGV 88.6% Maria Montes-  
sori School

**Class XII (Arts): Songput Kimneih**

d/o Upa SN Albert 94.25%  
(CBSE) NGV, Father An-  
gel School, Noida

**Class XII (Science):**

**Vunglianching**

s/o Muanthang Guite NGV  
85.4% Herbert School,  
Changanggei

**Class XII (Commerce):**

**Chinmuansang Thomte**

s/o Thangkhanson Thomte  
Paite Veng 52.60% of  
SDJM Higher Secondary  
School.

**UG/Bachelor Degree (Science):**

**Saihmingi Kashung**

d/o Zousangpui NGV, Ge-  
oglogy (Hons) 60.09% of  
DM College

**UG/Bachelor Degree (Arts):**

**S. Ngailemdawi Vaiphei**

d/o S. Thangthianlal Paite  
Veng, English (Hons)  
Donbosco College

**Manipur Nursing Council:**

**Ngaihauching**

d/o Nengkhanlian Langol  
62.66% Shija Academy of  
Nursing (san) Langol

**Dental College, Greater Noida:**

**Dr. Christy Ninghauching**

**Guite** d/o Khupchinpau  
Guite 71% Paite Veng, ITS  
Dental College Harp &  
Res. Centre G Noida

**Bharat Sevak Samaj:**

**Lianmuanching**

d/o (L) T. Thangkhanson  
Paite Veng 79.16% BSS  
Diploma in Medical Labor-  
atory Technology Techno-  
Allied Health Institute  
Ccpur.

**All Manipur MIL Topper 2019:****1. Chingthianven**

*d/o B. Thangsuau 97 marks of Paite Veng, Lee Faith School – Rs. 3000/- ;*

**2. Emily Mantansang** *d/o Robert Sangchinlian (Paite Veng)*

**Siamsin Contest – GK:****1. Chingthiandim**

*d/o T. Siamlian (Paite Veng Branch);*

**2. Thangmoi Guite**

*d/o P. Iran (Paite Veng Branch);*

**3. Mungbiakson**

*s/o N. Tuankhanzam (NGV Branch)*

**Siamsin Contest – Essay Writing:****1. Ruby Doihazourem**

*d/o T. Nengzalian (Paite Veng Branch Class-X);*

**2. Sara Siamthianhoih**

*d/o Jamkhanmuan (NGV Branch Class XII);*

**3. M. Thangjonson**

*s/o M. Thawmzalam (NGV Branch Class IX)*

**Siamsin Contest – Reasoning Ability Test:****1. Sara Siamthianhoih**

*d/o Jamkhanmuan (NGV Branch Class XII);*

**2. M. Thangjonson**

*s/o M. Thawmzalam (NGV Branch Class IX)*

JHQ Lamka:

Telching a om

President in charge la

Apaisa nisim November 16, 2019 nitaklam dak 3:30pm in SSPP Complex, Siloam Veng, Bungmual ah Joint Headquarters (JHQ) Lamka a President telching thak Pu S. Lamkhankhual in charge la hi. Hiai hun zatna General Headquarters a President Pu Thanglalmuan Hauzel in makaih hi. Hiai hun zatna ah JHQ Lamka Out-going President Pu T. Tuanzakhup in thugenna nei a heutu kibansamlou a kikhek kual thei a i omzel pen uh kipahhuai asak thu gen a President telching thak kipahpih thu leng gen hi. Aman a genna ah President thak in Siamsinte khual kawmtak a lamzaangtak a kal hon suantou dingin deihsakthu gen a, huaizoh in General Headquarters President theihpihna toh incharge piak khiakna leng nei hi. President thak Pu S.Lamkhankhual in incharge a lak zoh phet in thugenna nei zui ngal a, Pathian ompihna toh mailam a Siamsinte adia hihtheih om bang-bang sem ding a kipia ahih thu gen a, aman a gen behna ah, SSPP GHQ tutphahna mun a JHQ Lamka om ahihna ah, GHQ te theihpihna tellou a kalsuanna neih ka sawmkei himhim ding chin gen a, Branch te leh GHQ te kithuahpihna toh kalsuan

ding ahihdan leng gen hi.

Hiaiteng zoh in Standing Committee chairman Pu Ricky Vanlallawm Guite in Pathian kiang ah thumsakna leh kipah thugenna thumna nei in hiai hunseh zoh ahi.

---

## Sangaikot Block: Block Meet & Presidential Election Neih In Om

November 23, 2019 in Siamsinpawlpi Sangaikot Block Meet leh President Election kithuah G Mawnglian khua ah neih in om hi.



Hiai hun ah Block sung a unite apan leh GHQ, HQ Lamka leh Branchte, JHQ Imphal apan heutu tamtak in uap uhi.

Hiai hun in Election Commission makaihna toh Block President Election neihna om in Pu Seichinkam tuhtu omlou in ching hi. Cabinet leng

hiaini mah a lepfel hingal in incharge kipiakna leng Gen. President in neisak ngal hi.

Tulel in Sangaikot Block nuai ah Unit 5 omlel hi. Block Meet zatna program nuamtak zoh in paikhawm mipiten ankuang umkhawm uhi.

---

## R/B Higher Sec. Br.: Career Guidance Programme 2019

Nisim 30 November, 2019 in Siamsinpawlpi Joint Headquarters Lamka' khazaak na nuai a om Siamsinpawlpi Rayburn Higher Secondary Branch saina in Rayburn College Auditorium ah Dak 11 a pat "Career Guidance with different approach" chih thupi a nei in CAREER GUIDANCE neih in om hi.


Hiai hun ah Special Guest in SSPP GHQ leh SSPP JHQ pang in, Special Invities in SSPP VK Tawna, SSPP Ebenezer Academy, SSPP Churachandpur College, SSPP Don Bosco, SSPP Rayburn Degree leh Rayburn EU te pang uhi.

Compere in Lamminthang Hangzo leh HK Muanching a pang ban-uah, Max Muangouthang in Patna Thumna nei in Music Department a pat

SSPP Lapi sakna in zui hi. G Lun-minthang, Vice President in Vaidawn thugenna nei in G Paulalson, Rayburn Hr. Secondary Branch a pat Special no. sak na om nawn hi. Lamsian Ngaihte a pat Presidential

na leng om hi.

Hiai ahihleh October ni 5 a SIAMSIN-NA LEH TU DINMUN chih thupi zang a Essay Competition kisai a kipahmante hawm khiak na ahi. Kipahman lakhate hiai bang ahi:



1. Manthianmuan, Ebenezer Academy Branch
2. Chingngaihsang Ebenezer Academy Branch
4. Vungzamuang Guite Rayburn Degree Branch.

Speech ngaih khiak na a om banah Khen P Tombing, Principal Rayburn College a pat thugenna saulou om hi. VK Tawna College Branch a pat Special no. ngaihkhik na a om zoh in Resource Person a pat thugenna neih in om a , hun beidi kuan in Special Guest leh Special Invities te a pat gennop saulou genna om in Education Department a pat Prize hawm-

Kipahman hawmkhiak na neih zoh ahihin Lammuanisiam Samte, Secretary in Kipahthugenna nei in Sir Sum Paulson Khuptiong, Adviser in tawpna thumna nei in hun kizou hi.

Hiai program neihna ding toh kisai a sumzonna (fund drive) November 2, 2019 in gari sawpna Rayburn College Campus ah neih in a na omta hi.



SSPP Headquarter, Aizawl, Mizoram a President Pu makaihna mah in, SRDC tour pai te, Lengpui Airport, Aizawl ah vaidawn uh hi.

## CDS Infotech ah Exam Theihtha Ding

Community Development Society (CDS) Infotech, New Lamka mun ah NTA - UGC CSIR NET/JRF & leh SSC-SI/CPO Exam om theihtha ding hi.

National Testing Agency (NTA) in UGC leh CSIR nuai a Junior Research Fellowship leh Assistant Professor hih theihna dia Computer Based Test (CBT) mode Test, nisim 5<sup>th</sup> & 15<sup>th</sup> December 2019 a om ding ah, LAMKA mun a Exam Centre khat ding in CDS Infotech, New Lamka mun leng tel kha ahihdan Pu Lianzangung Tonsing @ Mumung Tonsing, President Community Development Society a pan thutut kiza hi.

Huai zom in, SSC-SI/CPO Exam hun seh nisim 9<sup>th</sup>, 11<sup>th</sup> & 12<sup>th</sup> ni te ah leng CDS Infotech, Lamka pen Exam Centre khat dia zat hilai ding dan ahi.

Hichibang siamsinte' a dia thilhoih leh manpha hon saisuahna uah CDS -te phathuai l sa a tampi in l phat-tuampih ngei leng l lam-en hi

Map Location of CDS Infotech:  
<https://goo.gl/maps/FfqNeWBZ7ZJ8i9ni8>

### Current Affairs:

### Multiple Choice Questions (MCQ-2):

1. Union Finance Minister Nirmala Sitharaman on September 14, 2019 announced decision to revive the economy including a ..... crore export incentive scheme.

- A. 50,000
- B. 45,000
- C. 20,000
- D. 10,000

2. Which rank did India possess in gold reserves according to the World Gold Council.

- A. 3rd
- B. 5th
- C. 7th
- D. 9th

3. According to an annual report from the Economist Intelligence Unit which city has retained its ranking as the World's most liveable city?

- A. Melbourne
- B. Sydney
- C. Vienna
- D. Osaka

4. Mumbai has been ranked ..... among cities in the Asia-Pacific region in terms of possibility of success as a co-living destination.

- A. 8th
- B. 5th
- C. 10th
- D. 2nd



5. Who has been appointed as managing director of Nissan Motor India Pvt. Ltd. in September, 2019?
- Rakesh Srivastava
  - Sumit Pundhir
  - Prakash Solanki
  - Vineet Prakash
6. The Conference of Parties (COP14) to the UN Convention to Combat Desertification was held in September 2019 in .....
- USA
  - Japan
  - Russia
  - India
7. Which iconic but dying products were given the Geographical Indication tag on August 29, 2019?
- Dindigul Ick and Kandangi saree
  - Aligarh lock and Kandangi saree
  - Dindigul lock and Aligarh lock
  - None of these
8. The state which is going to ban private practice by doctors working in govt. hospitals, is ...
- Bihar
  - Chhatisgarh
  - Himachal Pradesh
  - Andhra Pradesh
9. Who will be the first Chancellor of Haryana Sports University at Rai Sonapat?
- Kapil Dev
  - Barang Punia
  - Sushil Kumar
  - Mahaveer Phogat
10. The state which banned plastic having thickness less than 50 microns from August 31, 2019 is ...
- Rajasthan
  - Uttar Pradesh
  - Karnataka
  - Madhya Pradesh
11. Khaltmaagiin Battulga visited India in September 2019. He is president of .....
- Slovenia
  - Iceland
  - Mongolia
  - Switzerland
12. On September 10, 2019 India and ..... Jointly inaugurated the first ever cross-border petroleum pipeline in South Asia.
- Bhutan
  - Nepal
  - Bangladesh
  - China
13. In September 2019, the Centre has granted environmental clearance for capacity expansion of two units of the .....
- Kaiga Atomic Power Project
  - Narora Atomic Power Project
  - Kalpakkam Atomic Power Project
  - Kakrapara Atomic Power Project
14. The government on September 2, 2019 finalised a Bill that proposed upto .....jail term for people who

assault medical professionals.

- A. 5 years
- B. 8 years
- C. 10 years
- D. 12 years

15. The country which has launched a global Cancer Care Network in September 2019, is .....

- A. USA
- B. France
- C. Germany
- D. India

16. Which pair won the Best Actor and Actress award at the 20<sup>th</sup> IIFA Awards on September 18, in Mumbai?

- A. Ranveer Singh & Aditi Rao
- B. Ranbir Kapoor & Alia Bhatt
- C. Vicky Kaushal & Deepika Padukone
- D. Ranveer Singh & Alia Bhatt

17. Who was named the 66<sup>th</sup> recipient of Dadasaheb Phalke award (for the year 2018) on September 24, 2019?

- A. Amitabh Bachchan
- B. R Balki
- C. AR Rahman
- D. Sriram Raghavan

18. How many Indian universities are there in The World University Rankings 2020 released on September 11, 2019?

- A. Four
- B. Five
- C. Six
- D. Eight

19. Which institute is not included in a list of 12 institutes recommended for IoE status on September 4, 2019?

- A. Benaras Hindu University
- B. Jadavpur University
- C. IIT Madras
- D. Delhi University

20. *Gully Boy* is official entry of which country to the Oscars 2020 for the 'Best International Feature Film' category?

- A. India
- B. Nepal
- C. Hongkong
- D. Sri Lanka

21. Which country on September 16, 2019 unveiled South Asia's tallest tower – the 350-m tall 17-storey Lotus Tower, costing over \$ 100 million?

- A. Pakistan
- B. India
- C. Sri Lanka
- D. Bhutan

22. Giorgi Gakharia is new Prime Minister of which country?

- A. Armenia
- B. Denmark
- C. Georgia
- D. Italy

23. Who was appointed principal secretary to PM Narendra Modi on September 11, 2019?

- A. PK Mishra
- B. PK Sinha
- C. AK Sharma
- D. Gopalk Bagley

24. A first-ever trilateral naval exercise was held in the Andaman Sea between September 16 and 20, which one was not included in the exercise?

- A. India
- B. Nepal
- C. Malaysia
- D. Sri Lanka

25. Who is the new Air Force Chief of India?

- A. M.M. Naravane
- B. R.K.S. Bhadauria
- C. V.K. Johri
- D. R.K. Mishra

26. Astronomers from which country have detected mysterious signals believed to be from a source about 3-billion light years from the earth?

- A. USA
- B. India
- C. UK
- D. China

27. Which of the following institutes has developed a material that is 10 times blacker than anything that has previously been reported?

- A. MIT USA
- B. IIT Madras
- C. Caltech USA
- D. Tsinghua China

28. Bianca Andreescu, who won her first Grand Slam Singles tennis title at the 2019 US Open, belongs to which country?

- A. Sweden
- B. Russia
- C. Germany
- D. Canada

29. Who became the first Afghanistan player to score a century in Test Cricket on September 5, 2019?

- A. Rashid Khan
- B. Rahmat Shah
- C. Mohammad Nabi
- D. Najibullah Zadran

30. Who won the IBSF World Billiards Championship on September 15, 2019 in Mandalay, Myanmar in the 150-up format?

- A. Nay Thway Oo
- B. Aditya Mehta
- C. Pankaj Advani
- D. None of these

---

**Multiple Choice Answer – 2:**

- |      |      |      |      |      |      |
|------|------|------|------|------|------|
| 1.A  | 2.D  | 3.C  | 4.B  | 5.A  | 6.D  |
| 7.A  | 8.D  | 9.A  | 10.B | 11.C | 12.B |
| 13.A | 14.C | 15.D | 16.D | 17.A | 18.C |
| 19.B | 20.A | 21.C | 22.C | 23.A | 24.C |
| 25.B | 26.D | 27.A | 28.D | 29.B | 30.C |



If undelivered, please return to

The Editor  
SIAMSIN JOURNAL  
SSPP Complex, Siloam Veng, Bungmual  
Lamka, Churachandpur, Manipur, India  
PIN 795006

COVER PHOTO DRAWN BY: REUBEN RAMNGAITHANG; CLASS VIII: SSPP RESIDENTIAL SCHOOL

**Edited & Published by the Editor for Siamsinpawipi General Headquarters**  
Printed at SSPP Complex, Siloam Veng, Bungmual, Lamka